



**Tge muntan e dattan las claustras oz?**

*Lenconuschent cisterciens Karl Wallner ha dà frestgas rispostas sin cleras dumondas.*

5



**Dal moviment dals lavurers a la PS**

*Gaudenz Canova è stà in impurtant protagonist dal moviment socialdemocratic.*

6

**DIE SÜDOSTSCHWEIZ**

# LA QUOTIDIANA

Redacziun: Via comerciala 22, 7007 Cuira, tel. 081 920 07 10, mail: redaktion-lq@suedostschweiz.ch

**Iconas dalla historia digl automobil**

■ (anr/gv) NC Classics emprema adressa pils amits d'oldtimers americans. Ils vehichels exponi a Favugn en ina halla agl ur dil vitg ein sciaz ed iconas dalla historia digl automobil. *Nik Conrad* ha fundau avon treis onns l'interpresa NC Classics ed ei daventaus enteifer cuort temps in mercadont tschercau. Sia cumpetenza vegn apprezzada. Igl um da Cuera vendeda vehichels en stan original e restaurai tenor ils criteris svizzers. Els Stadis Uni tscherca el sez ni partenaris ils veterans per la fiera svizra, vehichels per excursiuns extraordinarias che sveglian emozions. Ei setracta da vehichels savens produci en pintgas serias exclusivas e vendi sulet els Stadis Uni.

> PAGINA 3



**Nick Conrad posseda a Favugn in halla d'industria emplenida cun oldtimers americans dils onns 50.**

FOTO G. VENZIN

## Nagina scola d'informatica

La decisiun a disfavour da la scola d'informatica è crudada cun 59 cunter 58 vuschs

DA MARTIN CABALZAR ED ANDERAS CADONAU

■ Il Cussegl grond na dat nagina glisch verda a las scolas medias per in'atgna scolaziun d'informatica. La scolaziun d'informaticers sin nivel gimnasial era in giavisch da las scolas medias e fiss stada ina da pliras mesiras per segirar l'avengir da las scolas medias privatas. La regenza sco er ina stgarsa maiortad da la cumissiun preparatorica eran cunter la spierta d'informatica sin nivel gimnasial. Quai saja ina concurrenza directa a l'emprendissadi d'informatica è vegni argumentà. Suenter ina lunga debatta ha il cussegl grond ditg cun stgars 59 cunter 58 vuschs nà a la scolaziun d'informatica sin nivel gimnasial. La decisiun è crudada cun la vusch da tagl dal president dal parlament *Duri Campell*. Ils promoturs da la scola media d'informatica èn trumpads da la decisiun dal cussegl grond. Tar il menader dal Center da formaziun Surselva, *Curdin Tuor*, han las circumstanzas da la decisiun procurà



Gia per la segunda giada ha il parsura dal cussegl grond gi da dar la vusch da tagl en ina dumanda difficila.

FOTO M. HARTMANN

per ina certa frustraziun. Il Center da formaziun è s'engaschà durant trais onns per introducir ina scola d'informatica. Principalmain per

carmalar scolars d'ordaifer il chantun Grischun en Surselva ed uschia segirar l'existenza da la scola media a Glion e porscher ina

nova ed attractiva scolaziun ora en las regiuns.

> COMMENTARI E PAGINA 2

**COMMENTARI**

**Remedura urgente**

DA MARTIIN CABALZAR

*Da principi schai la cumpetenza per l'instrucziun dallas scolas medias tiel cantun. Per rascuns historicas, confessiunalas e regiunalas ha il cantun surschau quell'incumbensa parzialmein allas scolas medias privatas. Persuenter ha il cantun indemnissau las scolas privatas cun ina contribuziun pauschalisada che correspundeva allas expensas nettas ch'il cantun impunda per scolars alla Scola cantunala. Quei sistem ha menau a situaziuns malgestas, damai ch'is cuosts d'investiziun, instrucziun, administraziun e menaschi ein ellas scolas medias pintgas cun paucs scolars per classa proporziunalmein pli aults.*

*Suenter diversas intervenziuns ord las regiuns ein regenza e cussegl grond uss finalmein promtis da far ina correctura. Il sistem actual duei vegnir remplazzau entras in model da sustegn pli differenziau che cuntegn contribuziuns pauschalisadas per investiziuns, gestiun, promozion da lungatg e che preveda ina pauschala supplementara. Davart l'altezia da quella van ils meinis lunsch in ord l'auter ella debatta parlamentara. Per pliras scolas medias privatas ei quella contribuziun da muntada existenziala.*

*Tbn ei denton cert! Era las contribuziuns finanziaras augmentadas ein aunc negin garant sufficient che las scolas medias regiunalas sappien vegnir mantenidas. Pli sensibla per l'existenza da quella ei la digren marcanta dil diember da scolars ellas regiuns pertuccadas. Probabel ha il Grischun la finala tonaton memia biaras scolas medias per che tuttas sappien exister. A liunga vosta vegnan ualvess tuttas scolas a saver porscher tut, anzi ina specialisaziun ed ina megliera collaboraziun cun brat da scolasts e scolars vegn ad esser necessaria. Avon che debattar davart la finanziaziun havess ins probabel stuiu definir la strategia. Pergei senza scolars san ins la finala numdadiu buca mantener ina scola.*

mcabalzar@suedostschweiz.ch

## IOF ün tema a la radunanza da Scuol

■ (anr/fa) A la segunda radunanza cumünala da Scuol fusiunà chi ha gnü lö a Sent han tut part üna tschientina da personas da tuot las ses fracziuns. La radunanza cumünala dal nov cumün Scuol ha trattà la ledscha d'impostas. Cun gronda majorità ha ella deliberà quista ledscha, sco proponüda da la suprastanza transitoria, per mans da la cumünanza d'urna a la fin da novem-

ber. Il commember da la direcziun *Jon Carl Stecher* ha preschantà las ledschas davart il provedimaint d'aua, il trattamaint da l'aua persa e las immundizchas. La votumaziun lasupra es in marz 2015. Pro la tractanda varia han tematisà plüs preschaints la proposta da regionalisar il s-chalin ot il Institut Otalpin a Ftran.

> PAGINA 7

## La fascinaziun da Melanie Clalüna

■ (anr/afi) Fascinada da disegnar d'eira *Melanie Clalüna da Scuol* fingià dad uffant. In scoula primara ha ella gnü a *Jon Duri Vital* d'Ardez sco magister da disegnar. El ha promovü la giuvna artista. Avant divers ons ha ella tut part ad ün cuors d'ün mez di pro'l artist american *Bob Ross*. Ross es cuntschaint per seis purtrets da cuntradas disegnats cun culuors d'öli. Davo ün temp da far pur-

tretts da cuntradas es *Melanie Clalüna* gnüda stufra da disegnar. Per tschinch ons ha ella miss d'vart sias utensilias da disegnar. Ün film sülla pagina d'internet youtube tilla ha darcheu animada da tour per mans ils pinels e las culuors. Hoz tocca la paschiun da disegnar pro la vita dal minchadi da *Melanie Clalüna*.

> PAGINA 7

## In studi en pliras fasas

Basegns e realisabladad dil tunnel da via dall'Alpsu

DA HANS HUONDER / ANR

■ Ils iniziants dil tunnel da via dall'Alpsu sepresentan la fin d'jamna all'EX14. Leu informeschan els davart lur ideas e finamiras. Il studi davart il tunnel vegn lantschus proximamein. Il departament da construcziun, traffic e selvicultura dil cantun Grischun ha sincerau 75 000 francs per las duas

empresas fasas da quei studi. Las suprastanzas communalas da Tujetsch e Mustér han gia concediu il credit sco cumpart dallas vischnauncas, Medel vegn a decider questa sera. Las duas empresas fasas pertuccan il basegns ed ils aspects politics, sco era las pretensiuns dils uffecis cantunals. Medemamein duei vegnir examinau tgei effect ch'in tunnel havess sil peri-

meter pertuccau. En ina secunda fasa duei vegnir intercureg las pusseivladads tecnicas dalla realisabladad d'in tunnel. Igl ei previu da cumparegliar la variant da via cun ina da viafier. Entochen il mars vegnent vegn in emprem rapport a star a disposiziun sco basa per giudicar igl ulteriur proceder.

> PAGINA 3



La moziun inoltrada dils cussegls da vischnaunca allas suprastanzas communalas da Tujetsch e Mustér pretenda l'examinaziun d'ina colligiaziun da tunnel da via dalla part su dalla Surselva cun Caschinutta.

FOTO H. HUONDER